

Malipayong pag-abot sa atong Simbahan!

Malipayon kami nga inyong gipili nga duyogan kami karon sa pagsimba sa atong Dios ug Mangluluwas, si Jesu-Cristo. Hinaot nga ang inyong panahon dinhi kay mahimong mahinongdanon ug halandumon.

Ania ang pipila ka mga kalihokan nga nagpadayon uban kanamo!

☐ Pabilin kamo alang sa panaghigalaay

Gidapit kamo nga magpabilin alang sa **pakig-ambitay** ug adunay **libre nga kape** human sa service. Pahimusli ang higayon nga makahimamat og bag-ong mga higala o mangutana bahin sa atong small groups o bahin sa simbahan.

☐ I-discover ang kinabuhi uban ang atong mga Small Groups

Nangita ba mo og mas lalom nga relasyon ug mas suod nga paglakaw uban sa Dios? Ang atong **small groups** mao ang dapit diin nato palambuan ang makahuloganong panaghigalaay ug dungan nga motubo sa pagtuo. Gusto ba mong moapil? Duol lang kamo ug pangutana sa mga ushers or volunteers.

☐ Unsa may among maampo para nimo?

Pribilehiyo namo ang pag-ampo alang kanimo! Mahimo nimong ipadala ang imong mga **hangyo sa pag-ampo** ug **mga pasalamat** pinaagi sa text(0912 130 6148) o pinaagi sa pagsulat niini sa mga prayer card nga gihatag o pinaagi sa pagpadala kanamo og private message sa atong FB page.

☐ IDMC Conference 2026

Pebrero 20-21, 2026 sa Living Word Convention Center. Ang regular nga bayad kay P2,500. Ang bayad para sa mga estudyante, PWD, ug senior citizens kay P1,500. Ang rehistrasyon limitado nalang sa onsite ug abli kini sugod 9AM sa pirmirong adlaw.

☐ Leaders Ministry Summit

Giawhag ang tanang mga ministry leaders, mga core members ug mga assistants sa pagtambong sa Leaders Summit karong umaabot nga **Pebrero 22, 2026 (Dominggo) sa alas 7 sa gabii**. Palihog ipadala daan ang kopya sa inyong 2026 Ministry Plan ngadto kang Ptr. Nic sa dili pa ang Pebrero 21.

Schedules for Services:

English Service:

Morning 10:00 AM

Afternoon 01:00 PM

Cebuano Service:

Afternoon 04:00 PM

2nd Floor,
Northgate Center.
across Gaisano Country Mall
Banilad, Cebu City.

mga pamaagi
sa paghatag sa
atong **TITHES**
ug **LOVE GIFTS**

BPI Checking
Acct no: 0421-0041-16

Paypal
@livingwordnra

GCash Account
0912-130-6148

EMAIL ADDRESS
livingwordnra@gmail.com

FACEBOOK PAGE
facebook.com/lwnra

WEBSITE
www.livingwordnra.com

OFFICE TELEPHONE
(032) 517 5991

TEXT ONLY NUMBER
(63) 912 130 6148

**MGA PAAGI SA
PAGKONTAK**

Living Word NRA
Worship God. Advance His Kingdom.

Pinakalabaw ug Sentro sa mga Sugo

Ang Ministeryo sa Jerusalem:
Giatubang sa Hari ang walay pulos nga Relihiyon
Pastor Matt Mahusay Sr. | Pebrero 15, 2026 | Marcos 12:28-34

SERMON NOTES

I. Walay makatupong ug Makalabaw sa Dios

II. Ang Paghiguma sa uban Timaan sa Imong Gugma sa Dios

III. Lakang sa Pagsabot Ngadto sa Pagtahan

SMALL GROUP DISCUSSION GUIDE

Para sa Semana sa Pebrero 16–22, 2026

“ANG KAMATUORAN NGA NAGPALUYO SA PAGKABANHAW”

Alang sa Pagsugod

Ngadto sa facilitator: Gamita kini nga seksyon sa pagpaila sa hilisgutan. Kon mahimo, paghatag ug mubo nga recap sa sermon.

Pagpaambit og usa ka halandumon nga punto, usa ka espirituhanon nga leksyon, usa ka personal nga aplikasyon, usa ka pangutana, o usa ka butang nga nakahagit kanimo gikan sa wali sa miaging Domingo.

Kinsa man ang imong crush sa elementary, ug unsa may imong “nagustohan” o “gihigugma” bahin nila? (Bonus: Unsa may nahitabo ninyong duha?)

Discussion sa Grupo Basaha Marcos 12:28–34.

1. Giingnan kita ni Marcos nga kining eskriba naminaw sa mga pakigpulong ni Jesus sa ubang mga lider sa relihiyon ug “nakit-an nga maayo ang iyang pagtubag kanila.” Importante ba kini nga detalye? Unsa ang gisulti niini kanato mahitungod sa kinaiya niining tawhana kon itandi niadtong naningkamot sa paglit-ag kang Jesus? Sa imong hunahuna, tinuod ba siya sa iyang pangutana?
2. Ang Shema, nga gikutlo ni Jesus sa bersikulo 29–30, usa ka butang nga gilitok sa matag Judio kaduha kada adlaw. Usa kini ka inadlaw nga pag-recalibrate. Basaha ang Deuteronomio 6:4–9, ang orihinal nga tinubdan sa Shema, ug timan-i ang giingon ni Moises kon sa unsang paagi kini nga sugo angayng maghulma sa matag adlaw nga kinabuhi. Nganong sa imong hunahuna gituyo man sa Dios nga litokon kini kada adlaw imbes nga tuohan lang sa kausa? Nganong ang deklarasyon nga ang Dios “usa” mao man ang mahinungdanong pundasyon sa dili pa ang sugo sa paghigugma?
3. Giunsa man paggamit ang pulong nga “gugma” karong panahona? Giunsa man paglahi sa kultural nga kahulugan sa gugma (romantikong atraksyon, emosyonal nga kainit, pagmatuod, pagtugot, ug uban pa) gikan sa paggamit ni Jesus sa pulong sa Marcos 12:30–31? Kon makadungog ka og “higugma ang Ginoo nga imong Dios,” unsa nga hulagway ang mosulod sa imong hunahuna? Giunsa man sa atong modernong mga kahulugan sa gugma pagpahinabo nga masayop kita sa pagsabot sa labing dako nga sugo?
4. Sa pagtan-aw sa upat ka dimensyon (pananglit-an: kasingkasing, kalag, hunahuna, kusog), unsa nga mga kalainan ang imong nakita niini nga mga termino? Bulag ba kini nga mga bahin, o gihatagan ba ni Jesus og gibug-aton ang kinatibuk-ang debosyon? Hain niini nga mga dapita ang bation nimo nga labing sayon ihatag sa Dios karon, ug hain ang bation nimo nga labing lisod?
5. Basaha ang Marcos 12:31 ug pamalandongi ang pulong nga “sama sa imong kaugalingon.” Gihunahuna ni Jesus nga ang himsog nga pundasyon sa paghigugma sa kaugalingon mao ang modelo sa atong pagtratar sa uban. Apan mahimo kitang motipas sa mga sobra nga bahin – ang paghigugma sa atong kaugalingon og sobra (narsisismo, paghunahuna lang sa kaugalingon) o gamay ra kaayo (pagdumot sa kaugalingon, pagpasagad). Unsa man ang hitsura sa himsog ug nakasentro sa Dios nga paghigugma sa kaugalingon, ug giunsa man kini paglahi sa duha ka dili maayong mga sobra?

6. Sa dihang niingon si Jesus, “higugma ang imong silingan sama sa imong kaugalingon” (Marcos 12:31), kinsa man ang imong awtomatik nga i-apil niana nga kategoriya? Kinsa man ang imong awtomatik nga i-ekslyud o i-lain? Giunsa man sa Lucas 10:33–37 (ang Parabol sa Maayong Samaritano) pag-inat o pagbag-o sa kahulugan sa atong mga utlanan? Unsa may gipakita niini bahin sa imong kasingkasing kon adunay mga tawo nga sa imong paminaw gawas dayon sa imong kahulugan sa silingan?

7. Nitubag ang eskriba uban ang tinuod nga panabot, nga nagpamatuod sa tubag ni Jesus ug nagdugang pa gani sa iyang kaugalingong pagsabot nga ang gugma mas importante pa kay sa mga sakripisyo. Giingnan siya ni Jesus, “Wala ka layo sa gingharian sa Dios” – duol na, apan wala pa sa sulod. Unsa pa kaha ang kulang? Unsa man ang kakuyaw sa usa ka “hapit na” nga pagtuo?

Sunod nga mga lakang

Kon ang sentro klaro, ang tanan magsugod pag-uyon.

- **Higugma sa Kinatibuk-an.** Isentro nako ang akong tibuok kinabuhi sa Dios.
- **Pagpuyo para sa Ubang Tawo.** Higugmaon nako ang akong silingan isip awas sa akong gugma sa Dios.
- **Lakang sa Sulod.** Molihok ko gikan sa pag-uyon lang kang Jesus ngadto sa pagbuhat na alang kang Jesus.
- **Pabilin sa Sulod.** Magpuyo ko gikan sa sentro, matag adlaw.

Alang sa Pagtapos

Tapusa ang sesyon pinaagi sa paggahin og panahon sa pag-ampo alang sa usag usa. Ikonsiderar ang mosunod samtang mag-ampo ka:

- lampo ang grasya sa paghigugma sa Dios sa tibuok nimong pagkatawo, ang kaisog sa paghigugma sa mga tawo sa imong palibot sa tanan nimong mahimo, ug ang pagtuo nga moundang na sa pagtindog lang sa ganghaan ug sa katapusan molakang na gyud sa hingpit ngadto sa sulod.
- Pag-ampo alang sa mga relasyon nga motubo uban sa ubang mga Kristo-sumusunod, nga kamo magdasig ug mag-atiman sa usag usa.
- Pag-ampo alang sa imong dili-luwas nga pamilya, mga higala, ug mga minahal.
- Pag-ampo alang sa proteksyon, probisyon, pag-ayo ug kahupayan alang sa tanan nga nag-antus sa pisikal, emosyonal, mental ug espirituhanon nga kasakit.

BIBLE READING GUIDE

Pebrero 16-----**Marcos 12:28-34**
Pebrero 17-----**Deuteronomio 6:4-12**
Pebrero 18-----**1 Juan 3:14-18**
Pebrero 19-----**Oseas 6:4-6**
Pebrero 20-----**Roma 8:35-39**
Pebrero 21-----**Salmo 91:1-16**
Pebrero 22-----**Deuteronomio 15:7-8**